



**ODLUKA O POKRETANJU POSTUPKA JAVNE NABAVKE
DIREKTNI SPORAZUM**

Broj: 05-05/01-11-1431/24

Datum: 28.11.2024. godine

Na osnovu člana 18. stav (1), člana 90. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), člana 24. stav (2) tačka e) Zakona o unutrašnjim poslovima USK („Službeni glasnik USK“, broj 13/16, 16/17 i 8/24), Pravilnika o javnim nabavkama Ministarstva unutrašnjih poslova i Uprave policije Ministarstva broj: 05-01-02-1/23 od 26.04.2023. godine, a postupajući po Zahtjevu Kabineta ministra broj: 05-01-11-1431/24/AB. od 22.11.2024. godine, Ministar Ministarstva unutrašnjih poslova Unsko-sanskog kantona Bihać d o n o s i

O D L U K U

o pokretanju postupka javne nabavke policijskih uniformi

Član 1.

Odobrava se pokretanje postupka javne nabavke – Nabavka policijskih uniformi u 2024. godini za potrebe Uprave policije MUP USK Bihać.

Procijenjena vrijednost javne nabavke policijskih uniformi iznosi do 6.000,00 KM bez PDV-a (slovima: šest hiljadakonvertibilnih maraka i 00/100).

Za provođenje javne nabavke osigurana su sredstva u Budžetu USK za 2024. godinu, Šestom izmjenom i dopunom Plana javnih nabavki MUP USK Bihać za 2024. godinu, na ekonomskom kodu

613400 – Izdaci za nabavku materijala

Oznaka i naziv iz JRJN: 35811200-4 Policijske uniforme

Postupak javne nabavke će se provesti putem direktnog sporazuma.

Postupak javne nabavke provest će se u skladu sa Zakonom o javnim nabavkama BiH, Pravilnikom o javnim nabavkama Ministarstva unutrašnjih poslova i Uprave policije Ministarstva, podzakonskim i internim aktima.

Član 2.

Zakonski osnov za provođenje javne nabavke predstavlja član 90. ZJN.

Član 3.

Kriterij za dodjelu Ugovora je najniža cijena.

Član 4.

Za izvršenje ove Odluke zadužuje se Sektor za materijalne poslove i podršku Ministarstva unutrašnjih poslova USK, Odsjek za materijalne poslove i nabavu.

Član 5.

Ova Odluka stupa na snagu danom donošenja.

Obrazloženje

U postupku rješavanja po Zahtjevu Kabineta ministra broj: 05-01-11-1431/24/AB od 22.11.2024. godine, kojim se traži hitna nabavka policijskih uniformi za potrebe Uprave policije Ministarstva, utvrđeno je da je isti osnovan i da su stečeni svi elementi potrebni za odlučivanje.

Pri donošenju ove Odluke Ministar Ministarstva unutrašnjih poslova Unsko-sanskog kantona Bihać posebno se rukovodio činjenicom da su Budžetom USK za 2024. godinu, te Šestom izmjenom i dopunom plana javnih nabavki Ministarstva za 2024. godinu, za ovu vrstu nabavke obezbijedena sredstva na poziciji

613400 – Izdaci za nabavku materijala,

kao i činjenicom da je neophodna hitna nabavka policijskih uniformi radi efikasnog obavljanja svih poslova iz nadležnosti Uprave policije, da je realno procijenjena vrijednost na tržištu, te da je predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove Odluke.

Sastavni dio ove Odluke je Zahtjev Kabineta ministra broj: 05-01-11-1431/24/AB od 22.11.2024. godine.



Dostavljeno:

1. Ministar
- ② Sektor za IKT - za objavu
3. a/a